



崑山雜詠卷第二十二

行旅

崑山道中

孫覲

覲字仲益晉陵人建炎初以承議郎充徽閣待制為平江太守召赴行在改龍圖閣直學士再任尋論罷

歸鳥破煙沒飛泉隔隴分松門挾踈雨樵徑踏
行雲獨往隨漫興高談遺世紛悠然一杯酒可
以傲人群

日脚啣半壁江南橫匹素一片黃蘆秋撼撼風
景暮閒枕曲肱眠自琢撚鬚句稍稍山月吐已



復草頭露

夜發崑山

范成大

歲寒人墜戶霜重獨登舟
弱艣搖孤夢踈蓬蓋
百憂但吟今不樂寧計幾
宜休慚愧沙湖月
年照薄游

崑山夜泊舟中遣懷

胡嶧

念昔扶衰別故城
敢期身見稍休兵
連年防患秋更急
此節浮家夜亦行
夢裏不應追
昨夢生

前聊復且偷生
空中鳥跡誰能記
萬古由來一
妄情

泊崑山

疾風欺雨透蓬船
擁被和衣晝復眠
兒女登臨餘脚力
更隨明月遶山前

過百家渡

風雨留人阻去程
扶衰上塚過清明
百家讓裏猶掀簸
那得江神不世情
歸崑山省親別太學同舍

郭章

半菽年來屬未涯，羞騎款段出京華。
漲塵回旋風頭緊，綺照支離日脚斜。
掠過短莎驚脫兔，踏翻紅葉鬧歸鴉。
不堪回首孤雲外，望斷淮山始是家。

也知隨俗調歸策，却憶當年重出關。
豈是長居戶限上，可能無意馬蹄間。
中原百甓知誰運，今日分陰敢自閒。
儻有寸功禪社稷，歸來恰好試衣斑。

待潮顧浦宿耕者張欽舍

顧發

海近雲氣昏，禹跡開茫茫。晴林列鄣邏，什伍屯
千岡。頃遭七年旱，驟見九秋黃。腰鎌喜復悲，泥
水新圃塲。縣侯初下教，官賦無豐荒。錯揮製錦
刀，戲作編氓創。身上催租瘢，短褐愁蓋葺。課爲
五縣最，薦飛十剡章。逡巡掌邦計，跬步封侯王。
江淮十萬師，待飼正頡頏。禾麥今已登，婦子戒
勿嘗。行俟天雨粟，飽食均四方。

將至崑山舟中作

姚申之

崑嶺煙歛後，虞浦風寒時。一舸飛兩艣，百媚生

連漪霜清寒中人天宇雲陸離朝曦忽滿野
光明荒陂潛魚時一躍宿鳥意遲遲却望西津
橋千尺天投霓豪家貴公子香衾擁屏幃安知
蒼莽中有境如此竒我以饑驅出氣軒復開眉
褚侯真懿親襍被相追隨長嘯開船蓬襟袖風
披披平生崔嵬曾軒昂對天池有景無句道徑
須酒澆之

到崑山

奚商衡

客槎無路到天津五斗依然不抹貧歛版進趨

慙大吏打門呼索媿窮民酒邊拓落尋真趣詩
裏平章作好春自咲小才還大用姓名安得上
麒麟

過楊庄調江城子

衛培

西風吹雨過楊庄小舟橫又新涼記少年時曾
向此中行溪上石橋橋外山杳靄水微茫人
生何事苦思鄉謾悲傷百歲能堪幾度得徜徉
輸與磯頭漁父樂歌歎乃濯滄浪

婁江西門夜泊明日歸省有懷吳水西

釋良琦

良夜維舟次題詩最憶君
微鐘花外度清笛月中
聞燈報庭闈喜杯從故
舊分西城駐馬日還與
入山雲

旦出半涇渡

盧熊

旦出半涇渡晝過五賈岡
荒村半無人老穉但糟糠
丁男盡行役三月輸租糧
水陸七百里揚子波茫茫
衛倉道更遠荷囊負車箱
縣官尚云遲旦夕事督榜
魏村阻冰雪流血思故鄉
邦本

慎培植秋葉茂且長大農
有典制忍使田野荒時政
不可議歌之安能詳

太倉道中絕句三首

江鷗去明滅野鳧閒往來
何事農家子顛顛令人哀

層冰野渡口荒草古岡身
倉皇荷戈士藍縷采樵人

法嚴滋吏敝賦重歎民勞
人有治安策天空日月高

婁江夜泊

朔風塞鴈度江煙訪舊東遊夜泊船野水似龍
爭入海大星如月獨當天荒村夢寐清秋夜鄉
館間關白髮年兵革飄流無定着渺余何處賦
歸田

舟行崑山懷陳惟寅山人

徐賁

粼粼渡斜渚宛宛漾晴川日入風逾駛舉棹屢
洄沿荇花拆還斂漪文斷更聯畔人歸負耒漁
郎行扣舷煙巒各闕態霞嶂獨逞妍睇近固流
迅矚遠迺遲延羈懷欣暫息離思悵仍緣安得

偕吟侶睹爾瑤華篇

崑山道中

鴻鴈天寒儔侶稀秋風遠客獨思歸碧山盡處
雲相續白水明邊鷺自飛漠漠蘆花迷望眼蕭
蕭荷葉慘征衣此行賴共知心話一棹夷猶竟
落暉

過澱湖與趙思誠周宗大同舟

范能

落日張帆過澱湖穩如乘馬履平塗碧波徹底
纓堪濯綠樹連雲筆可圖三泖斜分光潏澱九

峯倒景影模糊主人最是能延客傾盡船頭雙
玉壺

渡吳淞江

袁華

三江東入海渺渺際天浮魚蟹松陵市珠犀滬
瀆舟季鷹終托興魯望舊追遊自媿猶馳逐臨
流羨白鷗

巴湖秋暮

郭翼

巴城湖頭日欲曛巴王廟下水如雲漁船歸去

打雙槳鷗鳥翻迴飛一群野曠天開秋歷歷霜
清木落雨紛紛杜陵飄泊誰知己搔首風塵政
憶君

亂後經婁江舊館

高啓

此地昔相依重來事已非新年芳草徧舊里熟
人稀遠燕皆巢樹閑花自擁扉遺踪竟難覓愁
步夕陽歸

過漢浦塘有感

盛馥

涼飈生綠浦鳴櫓對青山感舊人何在傷秋客
未還身名難自保世事故相關誰識桃源路携
家老此間

舟次漢浦

漢浦揚帆秋水高青山小朶出林梢浪開日閃
江豚背草亂風翻水鶴巢破產曾無匡國計辭
家徒有故人袍長年三老歌相答一夜霜華入
鬢毛

宿崑山城南田家

片玉山前烏鵲飛遶枝三匝不成棲無端驚破

歸鄉夢岸岸秋風絡緯啼

夜宿顧墓田家

夜投顧墓村霜花吹白門燈寒釜煙滅船聚溪
聲喧僕夫悄不寐老嫗泣且言租稅急星火誅
求盡雞豚傾囊嘆饑歲接境愁荒原十室九逃
散如何賣兒孫

友梅抵崑山余與同載夜宿新塘阻風雨

客有吟唐人縱然一夜風吹去只在蘆

花淺水邊遂用韻以賦之

龔詡

一帆同載孝廉船夜泊新塘聽雨眠為問故園
桑梓念不知清淚墮腮邊

夜歸自東婁

水流清淺月黃昏行盡南村轉北村夜半到家
人睡熟多情深念犬迎門

過澱湖

夏元吉

煙光萬頃拍天浮震澤分來氣勢優寄語蜿蜒
波底物于今還肯負沉舟沉舟一作舟不

過吳淞江

王庚

庚字景星紹興人
國初為嘉定訓導

春江初泛載書船潮駛無煩綵纜牽蘆葉響時
風似雨浪花平處水如天魚龍變化人才易日
月浮沉海氣連便欲乘槎到牛女令人從此憶
張騫

過婁江舟中作

張泰

放舟西別姑蘇城東方日出峭雲迎沙湖湖頭
早飯罷牽夫赤背愁日曬黑雲南橫不着地玄
龍裊裊落兩尾須臾兩龍復交過舟子疑取陳

湖水東南之雲向北行北雲亦復西南征晦明
百變風不定隱雷驅炎作秋冷疑雨不雨雨終
作頃刻江天幾哀樂短蓬黑水珠點飛西北殘
雲自夕暉長歌不盡天涯意滿江風雨行人歸
崑山乘落潮夕歸

玉峯山下促歸橈東向滄洲正落潮涼滿客槎
金氣應月明僊嶠綠煙消晚江魚酒愁渾遣故
里風煙興不遙悵望美人歌獨夜賞音誰與一
吹簫

宿玉峯驛

譙鼓堦蟲不可聽偶因中酒宿津亭夜深風露
羈愁動卻恨山城酒易醒
倚棹西江驛吏迎玉山風雨夜如傾寒城酒薄
無濃睡只聽秋聲到五更

過陽城湖

沈周

芳辰二三客飛櫓泛空明野酌臨流動春湖帶
雨行浪中汀樹亂船裏濕雲生吾欲觀天趣悠
然留去情
夜宿婁江舟中

文徵明

新霜欺酒易爲醒歸夢綠村未得成風約婁城
寒漏未月明喬浦夜潮生百年憂樂孤舟味一
楫江湖萬里情正自苦吟無奈冷隔江原樹起
秋聲

與次明宿崑山舟中次明誦其近作因次

韻

寒山突兀背孤城野寺荒譙亂殺更別港潮生
舟暗動遠汀煙定火微明雞聲風雨還家夢春
水江湖對榻情邂逅他鄉是知己此心端合向

誰傾

崑山雜詠卷第二十二

崑山雜詠卷第二十三

詠物

雪

項寅賓

寅賓字彥周

凍雲同色墜飛霏送臘迎春一歲成但見紅花
洗芳面那聞黃竹度新聲密移瓊室祥光滿倒
瀉銀河白浪平已屬畫師圖此景炎蒸相對卧
桃笙

次韻項丈雪詩

范成大

堯羅世界三千刹重壁樓臺十二成雲暗峩眉
封古色日曛鳩鵲漏春聲莫將蕉葉評摩詰且
撚梅花慰廣平更憶緱山可憐夜怯寒誰與伴
調笙晏元獻雪詩
緱御怯調笙

短項翁

李衡

比同功成過希顏昆仲於山中千里置
酒酒劇談闌放懷深探名理不覺至醉
千里有陶尊係以筠籠雅製殊不凡間
鍾子嘗以短項翁目之豈取子蒼縮肩

短項之語邪千里勉令賦詩歸作長篇
以謝厚意無呈希顏功成觀光諸兄

我生懶放世無偶身即囂塵志林莽寒饑未免
困啼號束帶深慚爲升斗先生閉戶傲羲皇雲
夢曾中吞八九搏風暫爾抑雄飛萬事紛紛付
卮酒年來得此短項翁落落虛懷真勝友煙蓑
稱體剪踈筠老態婆娑固不羣每咲鴟夷託後
塵臭味仍復羞崑崙何嘗爲致常持滿來此與
爾談胚渾異時先生登紫微定自與爾相追隨
想應賴爾排紛擾坐覺秋毫泰山小

同彥平韻賦外舅短項翁

耿鏗

鏗字德基一名元鼎字時舉紹興中郡守王喚建西樓賦詩者甚衆

獨德基詩麗絕一時居太學久之不得志而卒

人生何地逃竒偶白髮轉頭成宿莽百年同盡
草一丘誰見乘槎上牛斗不如醉倒三萬場何
必龍山歲重九先生元是古達人身外所忻惟
有酒石交自得短項翁燕頤鴛肩非我友爾來
帶眼寬綠筠結喉不造鴛鴦羣十年孛宰墻下
塵仰面詎識高崑崙先生取人畧形貌翁獲展
盡終不渾我欲挽翁歸翠微手栽杞菊如天隨

願翁醉客莫嫌擾買山政賦淮南小

千里文蓄酒尊形狀孛宰某酒後以短項
翁目之不謂誤中遂成佳號彥平功成
二兄皆有褒詠可使韓子蒼縮肩短項
之句北面矣某不揆鄙拙勉強續貂幸
諸丈斤斧之

鍾孝國

孝國字觀光

少陵先生時不偶老瓦盆中醉林莽江湖散人
名益窮魚殼尊傾不論斗孤風異行同襟期食
鮭未必富三九凌煙功名舉世事不直兩公一

杯酒會稽夫子有古心嗜好眇追千載友陶尊
中產同蒼筠短項不肯鍾罍羣章綬黃笈羞緇
塵肺腸桑落心崑崙始知其中殊陋貌一點不
受泥沙渾時從往古窮玄微坐隅兀側長相隨
送子醉鄉謝膠擾回頭轉覺人間小

比同彥平謁希顏千里昆仲千里留醉短
項翁彥平有作鄙拙者亦不能已勉強

亂道幸咲覽

樂備

備字功成一字順之其先自淮海
徙崑山有學行名能文章尤工詩

與范成大馬先覺結詩社
由進士官至軍器監簿

君不見便腹邊先生齁齁晝眠貯五經又不見
長頭賈都尉喋喋問字聒人耳兩人挾策煩天
機俱忘其羊廼其理不如此翁不知書肩高願
隱形侏儒胷中無物祇嗜酒酒至輒盡寧留餘
有時花帽賓客前清辨傾倒如流泉不辭伴客
竟佳夕第恐吻燥舌本乾主人從今莫言窮有
此自足當萬鍾但令時與聖賢對勿學鄙士中
空空我昔已自聞其風向來一咲欣相逢他時
訪戴不必見竟須麥戶呼此翁

功成亦賦短項翁詩復次其韻

李衡

君不見仲淹居河汾目營四海心六經又不見
子幼反田里拊缶鳴鳴徒快耳續經憤世雖自
喜豈識濁醪函妙理皤然短項滑稽徒却笑兩
翁非通儒可人風味敵冰壺惟酒是務焉知餘
不學羽衣李集賢斗酒過量項飛泉復憐胡子
名空傳緩急由人腸中乾高情陶彼勲華風放
懷那惜傾千鍾鄙哉成德真小器一擊墮地羞
空空嗟予磊砢填心曾安得與爾長相逢會當
乞爾扁舟去煙雨空濛伴釣翁

謹次功成短項翁佳篇之韻

鍾觀光

君不見山中毛穎生纂錄百氏編羣經又不見
華華祖都尉殿上承恩舉足耳二物名譽由韓
公無迺袞褒俱中理君家酒罌依圖書短項獨
喜觴吾儒我加翁名迺率爾諸公過聽歡有餘
翁名稱意仰來前再拜不願封酒泉傾懷解賈
吟筆勇注想只愁客杯乾主人冥心通與窮從
渠自引瑠璃鍾醉中琢句千古廢醒後逢人四
海空林間日日吹春風字率願卜重相逢長江

小艇新雨後一杯相屬會稽翁

用功成韻賦外舅短項翁

耿鎡

君不見王績非狂生筆墨掃盡惟酒經又不見
志和非漫尉江湖醉詠漁歌耳文章得失兩夢
事一醉從渠俱不理人間自有行秘書此翁聊
為山澤儒平生斟酌自飽滿寧復有欠寧有餘
可憐蹢躅挽不前屬車豈識從甘泉不矜萬卷
腹空洞渴夢只恐東溟乾莫疑此翁拘器窮此
翁有用非啞鍾濁醪作賢清作聖翁不異味同

其空我方畏縮立下風伸頸一咲短項逢脫冠
與翁共醉倒從人咲此兩禿翁

方寸鍊詩

朱珪字伯盛工書初師濮陽吳

碑之法喜為人刻印賢士大夫皆就珪
求印為吳中絕藝游錢塘遇茅山道士
張伯雨名之曰方寸鍊以喻珪為人能
堅其志操猶桑國僑志于鐵石之鍊以
期珪云

邾經

朱君手持方寸鍊樞印能工漢篆文并剪分江
龍噴月昆刀切玉鳳窺雲他年金馬須承詔此
日雕虫試策勲老我八分方漫寫詩成亦足張

吾軍

張昱

蒼頡製書觀鳥跡白日能令鬼神泣何如朱生
手持一寸鍤文章刻遍山頭石山石可移心不
移生精此藝將奚爲生言平生苦心力過客摩
挲那得知願持此鍤獻天子爲國大刻磨崖
碑爲國大刻磨崖碑

釋元鼎

人心何危患多岐方寸之鍤貴自持百鍊耿耿
明秋暉彼柔繞指惟詭隨朱盛剛勁真吳兒法

書鍤畫逼秦斯晴窓握管儼若思學成變法出
愈竒鍤耕代筆猶神錐用之切玉如切泥孤忠
不媿月食詩清便更賦梅花詞元祐黨碑我所
嗤雕虫小技同兒嬉屠龍妙割嗟奚爲盛乎盛
乎知不知北南車書復復來大書深刻磨崖碑

陸居仁

袖裏昆吾一寸鍤江南碑碣萬家文玉符金印
雲臺將大篆煩君爲勒勳

錢惟善

錢塘人寓居華亭
自號武夷山樵者

十年兵興徧天下名山大澤罹野火野火燒盡

秦漢碑咸陽鬼哭無人打故人吳睿業篆隸好
古乃有如珪者妙刻金粟道人章尤精白描桃
花馬金印徒聞如斗大零落當時建章瓦君不
見黃僊鶴伏靈芝北海文章長高價

篆冢歌

雲間善篆以所書瘞之細林山中題曰

篆冢爰來徵詩遂賦長句以寄

雲間陸友字友

仁博雅好古工漢隸八分尤能鑒辨
鍾鼎銘刻及書畫嘗至都下虞集柯
九思薦於朝未及用而歸所著有墨
研史印史此篆冢云雲間疑即友仁
也

包羲卦畫龜龍出頡備造書鬼夜泣俯觀鳥獸
迹蹠跡依類象形文字立以迄五代咸東封改
易殊體靡有同周官保氏教國子六書大義開
羣蒙太史籀文古少異小篆從省由秦始皇倉頡
爰歷博學篇三家著述初傳世秦燔經籍獄訟
熾乃當隸書趨約易古文雖絕漢章行尉律學
童仍課試東閣祭酒太岳孫夙嘗受業賈氏門
閔悼俗圖昧所向博采籀古加討論揭示上下
明指事轉注假借形聲意立一為端亥畢終分
別部居不襍廁亘千萬古知字原昭若列星麗

躔次中興斯學曰陽冰入室操戈何背戾二徐

訓釋浩江河仲也祛妄言不頗徐楚金著祛妄辨李陽冰之誤

吳興張有爾傑出復古正俗訂舛訛布衣道士

錢道住玩在端如郭忠恕三十六舉僅成篇蟬

蛻遺蹤不知處席中如帶惡安西鼓皮離禹良

可吁漢家去古尚未遠成臯印文猶重摹雲間

苦嗜古手校科蟲辨魚魯明牕靜几風日佳臨

模一掃千番楮商彝周鼓真吾師蠟匾沉著沙

畫錐鸞迴鳳翥龍天矯長戈短劍相交馳書草

日積充棟楣保愛何啻壁與珪細林山中一杯

土緗笈緘滕重閉之於呼禊帖藏玉匣終致温

韜舉茱甫亦恐虹光夜燭天定有竊開窺筆法

冢頭草鳴寒蛩藟文瘞筆同高風後三千年見

白日好事應營馬鬣峯

張蒙軒善製筆遂隲括毛穎傳以贈

袁華

毛穎氏山中入其先明眎者佐禹治東方居卯

地死為十二神神明之後吐生子孫八世有翫

當殷時得僊術匿光使物入月騎蟾蜍厥後不

仕為隱淪狡而善走東郭魏乃與韓盧互爭能

雜說世三
盧共宋鵠謀醢其家及其身始皇代秦思兼并
蒙將軍恬將三軍軍次中山大畋獵筮以連山
其兆得人與人文今日之獲不角不牙被褐倫
八竅長須而缺唇取髦資簡牘天下同書咸祖
秦遂屠毛氏族拔豪載穎加束縛獻俘章臺宮
上乃命恬賜之湯沐封管城寵任日見親強記
便敏工纂錄近悉當代遠結繩上自始皇太子
丞相下黔首無不愛重同討論曲直巧拙善隨
意雖見廢棄默弗呻惟不喜武士見請時一臨
累拜中書令呼爲中書君上親決事衡石程官

人不得立左右獨穎常侍至夜分陳玄陶泓褚
先生出處則必偕友善相推稱後因進見任使
令拂拭之頃謝免冠髮禿摹畫不稱旨上顧嘻
咲曰中書君今不中書不任吾意老且髡臣穎
稽首再拜對斯所謂盡臣穎心遂歸拜邑不復
覲臣老見踈秦少恩吳人張蒙氏尚交千載上
憫穎後無聞搜羅得遺胤散處宣城之敬亭雄
豪英銳肖厥祖祇今崇文偃兵革投身自拔著
作明光廷

義興吳國良用桐煙製墨黑而有光燄膠

法又得其傳將游玉山輒賦詩速其行
云

倪瓚

生住荆溪上桐花收夕煙墨成羣玉祕囊售百
金傳孰謂奚珪勝徒稱潘谷僊老松端媿汝桐
法更清妍

鸚鵡研詩并序

鄭元祐

至正十一年秋七月華亭郭氏子劬宋
局製鸚鵡研製成戈易山樵李續以金

購得持贈玉山且歌詩銘曰

端溪文石質如玉下巖涵蒼上標綠良工採材
山之麓琢磨精緻若膏沐製成鸚鵡殊不俗尾
羽脩脩頸曲局以味啄桃水盈掬姓陶者泓實
其族松煤爲雲內瀦蓄詞章統緒決川瀆繫仲
瑛甫誠善續

題張養民荷葉端硯

黃雲

昔聞太華峯頭藕如船又聞太乙真人蓮葉舟
硯作荷葉今始見四阿上卷文雕鏤下有短蒂

儼折取僊掌冷瀉玉露金莖秋舊是端工古雅
製淺紫含霞絕瑕翳化鷺無從呼碧繼今來與
君托末契月禿千兔毫年磨百龍劑伴君揮灑
狎晚歲自咲平生窮鸞文日日思逐青天之白
雲借取臨池池水黑野鳧飛去亂鵝羣不數柳
之骨顏之筋我如羊欣方晝寢慎勿來書白練
裙

玉鸞謠

顧瑛

楊廉夫昔有二鐵笛字之曰鐵龍今亡

其一偶得蒼玉簫一枚字爲玉鸞以配
鐵龍廉夫喜甚復以書來索賦玉鸞謠
志來自云至正甲午三月旣望界溪顧
瑛書于柳塘春

七寶城中夜吹笛舞按白鸞三十隻箇中小玉
號細腰尾拂廣陵秋月白伐毛脫骨秋風裏素
頸圓長尺有咫中虛一竅混沌通上有連珠七
星子羿妻久閉結璘臺弄玉求之遺蕭史調得
僊家別鵠聲吹落虎頭金粟耳桂園僊伯楊鐵
翁昔羨洞庭雙鐵龍雌龍入海去不返雄龍鰥

處瓊林宮宮中夜夜泣寒雨幽咽悲啼作人語
燃犀莫照玉鏡臺買絲難繫藍橋杵虎頭憐之
爲媾婚并刀剪紙招鸞魂鸞之來兮洞房曉恍
然枕席生春温鐵僊翁咲拍手左瓊瓊右柳柳
瓊瓊細舞柳柳歌起勸虎頭三進酒畫堂龜甲
開屏風翠煙凝煖春雲濃大瓶酒瀉鸚鵡綠滿
頭花插鴛鴦紅鸞兮運居巢龍兮弄橫竹君山
月落大江秋黃姑星隕昆岡玉不湏再奏合歡
辭且聽和鸞太平曲太平曲斷還續一轉一拍
相節促諧宮協徵宣八風寒谷能令生五穀鸞

龍臺上鳳凰來萬歲八音調玉燭

玉鸞引

楊基

基字孟載其先蜀人大父宦游江右遂家吳中基穎敏絕人九歲能

背誦六經著書十萬餘言名曰論鑿值亂隱天平山南赤山下張士誠辟

爲丞相府記室未幾去客饒介所王師平江南基以饒氏客安置臨濠

尋徙河南洪武二年放歸起爲滎陽知縣謫鍾離久之被薦累遷至山西

按察使復以讒奪職供役卒于京初基於會稽楊維禎坐上賦鐵笛歌維

禎時客淞江自以詩豪吳中見基所賦歌遂大驚不覺自失因偕與東遊

語所從曰吾在吳又得一鐵來矣若等就之學優於老鐵學也至正洪武

間與高啓張羽徐賁齊名號吳中四傑所著有眉菴集

鐵崖翁昔有二鐵笛字之曰鐵龍今亡
其一崑山顧仲瑛得蒼玉簫一具號玉
鸞遺翁配之瑛既爲謠索余和之以引
云

丹穴鸞蒼霞翰素質琳琅玕衡度尺只寬中心
空洞合混沌妙諧律呂有七竅如星攢紫鸞彩
鳳迺其侶嬌歌妙舞花成團弄妃久藏桂宮裏
弄玉求謀遺蕭史調得僊家別鵠吟吹落虎頭
金粟耳太霞僊伯鐵崖翁昔秦洞庭雙鐵龍雌
龍入海去不返雄兮鯨處瓊林宮虎頭憐之作

婚媾洞房溫和配成偶絕勝玉杵聘藍橋從此
翁嘗咲開口畫堂龜甲舒屏風翠煙凝煖春雲
濃大餅酒瀉鸚鵡綠滿頭花插鴛鴦紅鸞兮運
居巢龍兮弄橫竹不須再奏合歡辭且聽和鳴
太平曲太平曲斷還續一轉一拍相節促諧宮
協徵宣八風四海萬年調玉燭

二詩語多
同今並載

夕聞草堂菴磬

易恒

夕聞草堂磬窅窅出西林江應虛還響風迴杳
復沉僧空定中景人間物外心坐久夜深寂笙

鶴空遺音

神舟曲

呂誠

時運艘以小舟製成龍形橈歌鼓吹往
來江潮中以荅神貺云

扶桑日出碧海底聖化東漸千萬里
林林樓櫓日邊來雲帆影壓三江雨
年年五月凌大洋圖南九萬斯騫舉
相風之鳥畢逋尾餉道飛供太倉米
太倉城下水連空水僊祠前神戾止
靈旗婀娜送祥飈五色蜿蜒浪中起
撻金伐鼓萬夫

謳潮落潮生海門裏歌龍頭掉龍尾
三日南風過黑水

菩提葉燈

寶林萎葉墮天風一落人間便不同
雲鏡熒煌開月匣并刀裁剪費春工
星攢蜩翼冰綃薄華擁蝦鬚玉柵紅
從此可傳無盡燄五湖今有水晶宮

崑山雜詠卷第二十三

崑山雜詠卷第二十四

詠物

余頗嗜恠石他處徃徃有之獨未得崑山者拙詩奉乞且發自強明府一咲

曾幾

幾字吉甫河南人高宗朝浙西提刑會兄開為禮部侍郎與秦檜爭

和議出知婺州幾亦罷除廣西轉運副使檜死復為浙西提刑孝宗即位

遷通奉大夫擢子逮為浙西提刑以便養卒謚文清

崑山定飛來美玉山所有山祇用功深剗劃歲時久崢嶸出峯巖空洞閉戶牖幾書煩置郵一片未入手即今製錦人在昔伐木友嘗蒙投繡

段尚闕報瓊玖奈何不厚顏尤物更乞取但懷
相知心豈憚一開口指揮爲幽尋包裹付下走
散帙列岫牕摩挲慰衰朽

崑山產恠石無貧富貴賤悉取置水中以
植芭蕉然未有識其妙者余獲片石於
婦氏長廣才尺許而峯巒秀整巖岫崿
峴沃以寒泉疑若浮雲之絕澗而斷嶺
之橫江也迺取蕉萌六植其上擁護扶
持今數載矣根本旣固其末浸蕃余玩
意於此亦豈徒役耳目之欲而已哉

石公駒

公駒字
千里

蕤蕤六君子虚心厭蒸煩相期謝塵土容與水
石間粹質怯風霜不能嘗險艱置之或失所保
護良獨難責人戒求備德豐則才慳我獨與之
友目擊心自閒風流追鮑謝秀爽不可攀如此
君子者足以激貪頑小人類荆棘崛強汗且姦
一旦遇剪薙不殊草與藺視此六君子豈容無
腆顏

崑山石

鄭元祐

崑岡曾韞玉此石尚含輝龍伯珠璣服僊靈薛荔衣一泓天影動九節澗苗肥閱世忘吾老蒼寒意未遲

袁子英來承惠崑山小峯峭絕可愛敬賦詩厠諸閩州瓢松化石之間云

張雨

崑丘尺壁驚人眼眼底都無嶠華蒼隱若連環
蛻僊骨重於沉水辟寒香孤根立雪依琴薦小
朶生雲潤筆牀與作先生恠石供袖中東海若
為歲

拜石壇詩

按顧仲瑛嘗于東城菴假山廢基得一石上有蘇子瞻題識皆

當時觴詠之語其石理瑩潤類璧雖左旁缺損然尚奇甚仲瑛因驚之以歸博士柯敬仲見而奇之再拜題名而去字曰拜石御史白野達兼善為作古篆書之後仲瑛偶得子瞻荅維揚王忠玉提刑飲快哉亭帖與石上題識相合仲瑛謂此石即忠王家快哉亭物也特不知何以至此仲瑛遂為記其事倩朱伯盛刻之他石而與河南陸仁汝南袁華復各為詩誄之

顧德輝

好事久傷無米顛清泉白石亦淒然快哉亭下坡僊友拜到丹丘三百年

題拜石壇詩

袁華

眉山三蘇宋儒宗長公矯矯人中龍南遷僂耳
西赤壁文章光燄超洪濛快哉之亭雪初霽領
客登覽山川雄自云平生不解顧胡乃一舉觥
船空和詩寬限見真率鑿崖題石摩蒼穹功名
富貴一丘土斷碑殘素傳無窮吁嗟異物神所
衛玉山合璧俄相逢奎章博士丹丘翁江南放
逐驚秋風見之即下米芾拜二顛癡絕將無同
築壇山中加愛護樹以松桂連椅桐雨牕雲戶
濕寒翠朝闌暮檻開青紅白野御史龍頭客青
年獻賦蓬萊宮戲將禿穎寫蟠匾斷釵折股流
星虹只今風塵暗河嶽王侯第宅皆蒿蓬牙籤
玉軸映竹素好事獨傳吳顧雍婁東朱珪鐵作
畫字字玉屈蟠蚪虫嗟哉昔人今已矣慘澹故
國風煙中如何二子復嗜古策勲儒墨收奇功
我來再拜重太息蒼蒼古雪吹長松登壇絕叫
浮大白酒酣目送孤飛鴻

失鶴

時年十六作

郊亶

久鎖冲天鶴金籠忽自開無心戀池沼有意出

塵埃鼓翼離幽砌凌雲上紫臺應陪鸞鳳侶仙
島任徘徊

秀芝軒畜雙白鷗頗馴狎聞玉山園池欲
得之遂忻然籠去無難色是蓋不使太
白胡公專美於前也因製四韻詩偕其
行云

秦約

雙禽曾未換雙壁籠致草堂清絕塵李白多才
今有子胡公好事豈無人竹間飲啄池臺曉花
底飛鳴島嶼春更想金衣天際鶴冥冥寥廓與

誰親

小栢

胡清

栽傍岩隈未足看謂言斤斧莫無端他時直入
掄材手不獨青青保歲寒

題山寺庭下古栢

陳世守

世守字端厚

蕭條老栢姿氣象一何偉空庭羅清秋龍鸞平
陸起或放若箕踞或儼若劍履或屈如關弓或
信如去矢枝柯帶顛顛根節殊嶷嶷凜然烈丈

夫不陋亦不美蒼苔滅頂寒古色風霜委欲求
手植初人鬼今應幾誰能傷老大斧斨滋棄毀
胡爲桃李容簾幕春風裏

次馬少伊木犀詩韻

月窟飛來路已涼斷無塵格惹蜂黃纖纖綠裏
排金粟何處能容九里香
水尾山腰樹影蒼一天風冷不供香無人清韻
能消得付與詩僊古錦囊
密密驕黃侍翠輿遮風蔽日小扶踈畫欄想見
懸秋晚無限宮香總不如

兩木

紹興二十二年

壬申五月卧病東禪之北牕惟庭柯相
對手植綠橘枇杷皆森然出屋枇杷已
着子橘獨十年不花各賦一詩

枇杷昔所嗜不問甘與酸黃泥裹餘核散擲籬
落間春風拆勾萌樸楸如榛菅一株獨長成蒼
然盛屋山去年小試花瓏瓏犯冰寒化成黃金
彈同登桃李盤大鈞播羣物斡流不作難樹老
人何堪挽鏡覓朱顏頷髭爾許長大笑歌巾冠

右枇杷

雜詩十四
綠橘生西山得自髯翁家云此接活根是歲當
着花俛仰乃十霜垂蠹紛相遮芳意竟寂寞枯
枝謾槎牙風土諒非宜翁言豈余夸會令反故
山高深謝汚邪石液滋舊根山英擢新葩黃團
掛霜實大如崆峒瓜當有四老人來駐七香車

右綠橘

玉山索蟠松因登天平得二本移送因賦

一詩

良琦

昆丘好鳥來雲岩口啣僊人雲錦緘開緘讀之

見深意願乞蟠松數枝翠踈雨落葉迷秋山屐
齒便躡苔斑斑龍門直上天百尺石屋徑度雲
三間東林西林何宵冥前山後山還獨經青藜
不畏虎豹迹白日要見虬龍形華蓋峯頭最高
處偃秀盤奇逢兩樹僕奴驚叫荅空谷鸞鶴翻
翔入煙霧大株倒掛蒼崖顛小株橫欹寒澗邊
軋坤凝結太初氣蛟蜃飛騰千丈淵沙土錚錚
試長鑿險石忽崩雷電落淒籟含風木客嘯深
根出地山靈愕祝爾嘉辭爾應喜致爾將歸玉
山裏勿愁凡卉妬清標珊瑚琅玕森共倚後三

千歲常青青根下蚤看成茯苓仙人服之生羽翼他日相期遊八極

題景德寺櫻桃

郭翼

上人醉卧櫻桃發客至不知山日斜粲然五株庭下雪開作小白巖前花仙女吹笙雲匝素鸞踏月光交加金盤明日薦崖蜜背痒欲倩麻姑爬

賦帶露櫻桃

呂誠

萬綠叢中綴木難折來靈液尚溥溥玉纖香剥雞頭軟僊掌寒分鶴頂丹天酒淋漓樊子醉月盤璀璨漢臣看不妨更漬薔薇水潤我談玄舌本乾

奉賦水仙花詩以謝提宮龔丈之貺

葉子強

水晶宮闕雲母輶列僊夜宴曉未闌萬妃倚竹翠袖寒捧黃金杯白玉盤勸酬未足雲中歡天門叫班奏祥鸞驚此綽約落塵寰嫣然花面明雕欄天香宮態冰雪顏江妃避舍不敢干肯與

雜詩廿四
八
曾伍羞山樊說似詩伯平章看

和鄭逢辰醪醖韻

項寅賓

天遣司花寶笈開
鮫綃散剪碧雲堆
芳根移自蠶叢遠
薰釀曾隨鳳詔來
祇恐飄風撼新竹
却驚殘雪觸蒼苔
水仙欲逞幽香壓
山谷似無詮品才

春暉樓牡丹

袁華

春暉樓前牡丹樹
喜見新花發舊槎
深根培植

雨露厚不待羯鼓花奴搗
紫黃紅白緋與碧牙牌小篆
蟠龍虵玉環飛燕兩傾國
國色暈酒凝朝霞就中一枝
最桀出金籠繡幄相籠遮
前年作客浙水上去年避地
苕谿涯千葩萬卉自開落
媿我不見空咨嗟今年花發
風日麗况無兵燹吹黃沙
金尊美酒喚小妾起舞折花
簪髻了酒酣樂極重太息
故人南北音書賒虎頭學佛
宗三車飲酒食肉談空華
了知何必假外相始悟在家
真出家洛陽園池信可誇
只今無樹啼棲鴉玉山中
稱樂土杳杳百里連桑麻
詩成


對花還大嚼一任白髮歌烏紗

石菖蒲歌 并引

僑吳得屬州崑山石甚小而瓊瓏盛以
碧石方罌修可三寸深廣半之種菖蒲
細如髮以朔漠五色碎瑪瑙環浸之几
案間竒玩也喜而賦之

周伯琦

安期來往三神山手分菖蒲散人間細葉翠簇
根蛟蟠澄泉灌注白晝寒當時丹氣噓祥煙春
涵草木芝成田九陽潛伏菖蒲根清泠一勺胎

息完虛齋燕坐絕世緣碧琅小罌如栝棧纖纖
迸石并冽涓叢以碎玉五色駢屏開雲母書牕
前何以友之泓與玄光華發越氣勃然神凝陟
覺沉痾痊露華雲液長循環生意不逐時序遷
寸節十二和王餐頭青面雪可立僊御風乘露
娛晚丸須彌芥納宮黍懸萬形舉集秋毫端混
溟太素無後先海枯石爛荏苒閑  廣成授
真詮空同小住三千年

索楊庄瓜

楊庄去縣西三里相傳有仙人
以瓜子遺村民種之花實俱小

而味甘

佳味

柯九思

穀雨初乾可自由荷鋤原上倦還休醉迷芳草
生春夢誰識東陵是故侯

至正丁酉冬崑山顧仲瑛會客芝雲堂適
時貴自海上來以黃甘遺之仲瑛分餉
坐客喜而有詩屬余及陸良貴袁子英
等六客同賦

赤眉橫行食人肉逃我崑山采黃獨上書不伏
光範門忍饑寧負將軍腹玉山燕客客滿堂黃
甘新帶永嘉霜分金四坐炫人眼漱玉三嚙清

詩腸山中椰瓢大如斗吳姬擘來薦春酒酒酣
遙指洞庭山爲問木奴曾貢否頻年兩浙阻兵
戈黃甘陸吉不相過此時共食此佳果胡不取
醉花前歌願言海內無征戰漢庭還有傳柑宴
白髮吳儂能上天野芹亦獻蓬萊殿

余嘗夢從彥成飲彥成曰此荔枝漿也飲
之令人壽爲我賦之當贈三百壺因口
占一詩覺乃夢也後會仲瑛聞彥成釀
酒果名荔枝漿不覺大咲仲瑛曰君書
此詩吾當爲君致酒輒遂書之

陳基

涼州莫謾誇葡萄中山枉詫松爲醪僊人自釀
真一酒洞庭春色嗟徒勞璫漿滴盡生荔枝玉
露瀉入黃金卮一杯入口壽千秋安用火棗并
交梨不願青州覓從事不願步兵爲校尉但令
喚鶴更呼鸞日日從君花下醉

寄于匡廬山索荔枝漿就簡玉山

早春相見又經秋秋水迢迢阻泛舟每見玉山
問消息荔枝漿何日寄江樓

草堂雜詠三首

呂誠

煮茶

斲徹貝書牕下讀旋烹松鼎雨前茶未研顧渚
金沙餅謾試洪都露井芽陸子著經非所貴党
家風味不余誇何當滿貯中濡水滌我曾中寸
縷瑕

摘菌

菌子白於雲羅生枯楊枝地氣蒸土膏儼如三
秀芝鮮摘色瑩潤薄美香敷腴飲食貴適口豈
謂物細微

煨贖

短褐西風裏長鏡斲土芝馨香侔粗糲黯色類
蹲鴟玉糝從來貴金齏或未竒夜闌深撥火惟
有嬾殘知

臘月廿八日過崇恩戲賦芥辣偈一首

秦約

虀粉餘辛出芥孫老饕從事破砂盆瀝囊相見
清如水拾得須彌一口吞

郎官栢歌

張和

君不見河陽花胡馬蹴踏餘塵沙君不見柳江
柳一夕霜風變枯朽何如羅侯種栢盈吾崑佳
氣鬱鬱山長春草間翁仲仰深庇泉下髑髏懷
至仁層陰扶踈覆荒土夜半精靈作人語喬柯
秀拂寒空雲黛色遙連翠微雨穹碑用表吳民
情大刻遂著郎官名我歌狂歌頌侯德千載芳
聲播南國

崑山雜詠卷第二十四

崑山雜詠卷第二十五

紀事

耙塩詞

盛或

洪武庚戌春吳中塩涌貴農家多於水
 際取水煎之余因感民生之勤苦者雖
 有凶歉亦不至塵魚其甌釜也彼惰其
 四肢而坐待饑餒者誠有間矣故作此
 詩以美農之有餘力又以歎有司之不
 便於民觀風化者庶幾或有採焉

朝耙灘上泥暮煮釜中雪妾身煮鹽不辭苦恐
郎耙泥筋力竭君不見東家阿嬌紅粉媚不識
耙鋤巧梳髻昨日典金釵愁殺官鹽價高貴

戊戌紀事次韻顧玉山

袁華

君不見天馬來鳳之頸龍之顛五花連娟雲凝
膚朝燕暮越歷塊過奮迅豈謂川途迂蹇予駑
劣纔結髮學讀書到今居無廬出無驢上不能
游說捭闔下不能貿遷有無窮閭風雨四壁立
簞瓢屢空恒晏如丙申春海虞山兵之掄况乃

江右乏夷吾攜妻挾子茗溪居茗溪野老起荷
戈豈識尺藉共伍符舳艫銜尾一旦潰疆梁脫
走厄羸誅山川異故里焉敢嗟馳驅思欲南入
杭之郭奈爾囊空儋石儲浮雲蔽白日安得大
風起飛揚爲掃除漢家養士三百年豈無忠義
者肝膽塗地捐身軀黎民流徙困征需班荆坐
太息忽報兵入湖紅旗張空半天赤勇銳遠過
馮子都所至檢刮無遺餘倉皇問歸路扁舟隨
釣徒朝行暮泊畏叫呼三日喜抵婁西隅下榻
借玄館蕭然罄儲須鄰翁走相覓慰勞生嗟吁

時當春夏交，纖月明金樞。青鐙對兒女，始得忘
難虞。海東大駟驅，萬夫歛然而來。縱壑魚軍聲，
震地撼八區。築城高高峙，儲胥奔逃竄。匿紛在
涂裏，飯朝出如趨。虛冒雨荷簑，笠移舟繫槐榆。
我民日困兵，日惰不分竒。正啓與肱運，籌決勝
千里外。斯人未必能，枝梧漫道不如歸。去好苦
竹嶺頭啼鷓鴣，歸來惆悵百感集。屋廬瓦礫田
園蕪，田園蕪。縣官尚索租，腴剝膏血向倉輸。獨
有東家米粟紅，腐玉帛滿帑。因能舞文肆貪汗，
明珠買小妾。奉酒歌吳趨，郛知斬伐到木石。千

村萬落皆逃逋，所以杜陵杜愚谿。愚饑驅竄逐，
竟不偶。安得從龍躍，去年八月下明詔。力貧買
醉眠，酒壚減民田。租半雨露蘇，槁枯祇今隴。畝
中豈無昔時之鳳雛，釋耕汲修綆，拖壘灌園蔬。
春初翩然上會稽，歷覽俯仰同樵漁。時歌短歌，
擊唾壺。山橋野店隨意沽，放曠不爲禮所拘。昔
人金谷貯綠珠，綠珠隨樓園已墟。豪華銷歇逐
流水，落日空號頭。白鳥淫泆古所戒，靡不謹厥
初。緬彼先哲士，希聖作範模。步武青雲中，繡衣
綠偏諸。亂離洵洵惟尚武，何人英雄起狗屠。不

聞漢中興天王鎮坤輿天馬來應瑞圖生民凋
瘵喜再蘇嗚呼生民凋瘵喜再蘇願同田翁野
老擊壤鼓腹歌伊嗚

巨浸詩

書異變也今茲二遭矣

呂誠

洪武庚午秋七月初吉海風自東北來
拔木揚沙雖犀兵萬隊不足為雄倒海
排山堆阜高陵皆為漂沒豈沈竈產蛙
之足語哉猶記洪武戊午歲秋七月四
日亦嘗懼此蓋大魚入城之兆也今茲

震蕩勢復過之側聞三洲一千七百家
皆葬魚腹豈非囿于數者耶嗚呼上天
號令豈有常乎可不慎歟可不畏歟

庚午七月初吉斷虹挾雲蔽西日石尤聲撼
天為昏颶母驅車走沙石鯨跳鯤擲地軸翻陽
爍陰凝鬼神泣銀濤駕空山嶽摧轉眼奔流浸
靡壁三江瀾漫滅無口孤城漭漭天一碧衰年
疲荼連兢畏變貌齋心戒夕惕憶昔前年大魚
入三洲漂蕩海水立近者側聞復罹此海灣流
屍頭濺濺岸塌沙沈絕往來塍斷壤深苗不實

嗚呼上天震怒豈無由誰其尸之復誰詰

西郊老農歌

豈不聞昔人大積郿塢貲烈炷竟燃東市臍又
不聞醉鞭戲擊珊瑚枝禍機一發當咎誰東門
牽犬事已非華亭唳鶴良可吁不如西郊老農
夫公田數畝宅一區桑蔴環繞水竹居墻陰祝
祝五母雞東風駘蕩吹漣漪欣欣農事方自茲
江鄉春雨已知時綠蓑驅牛扶一犁負囊提饁
兩小兒服勞執役不吾欺二麥枯時謝豹啼秧
鉞出水青欲齊少女猶鳴燈下機老妻澣纈頭

不梳桑無附枝麥兩岐官清不賣二月絲流光
去人倏如馳轉眼秋田黍離離步擔牛載官倉
輸官租已了一事無隣家酒熟相娛嬉醉後耳
熱歌嗚嗚人生定分亦何需富貴於我浮雲如
叫囂掃跡鼠穴虛四海八荒歌雍熙太平何幸
親見之嗚呼西郊老農之樂樂有餘鹿門老龐
真汝師

崑山雜詠卷第二十五

崑山雜詠卷第二十六

弔古

婁侯廟

僕侯斯高昌人至正中知崑山州事以縣為張昭陸遜故封立廟祀

之又葺王葆李衡劉過及朱虎妻茅節婦祠墓置田給贍邑人賦崑山五詠以美之

袁華

婁氓尚淫祠祀廟徧村墟疾病罔醫藥奔走訊
羣巫椎牛醜酒醴婆娑樂神虞神不歆非類傳
記言豈誣聖人制祭法有功則祀諸崑山漢婁
縣舊邑禾與與婁縣名尚存今在城東隅張昭

洎陸遜封婁肇自吳桓桓孫將軍仗鉞東南隅
升堂拜昭母情好昆弟如策薨受顧命擁立運
謀謨諫獵止酣飲禮下魏使車忠言不見聽托
疾居里閭舉邦憚威嚴卒年八旬餘伯言雖後
出智畧雄萬夫權配以姪女數數詢良圖一從
呂蒙舉乃修關羽書潛軍克公安徑進守宜都
走備夷陵城蹙休夾石區相吳柄國命上疏陳
立儲赫矣兩侯功稱久而弗渝太守念婁氓報
本昧厥初淫祠旣撤毀左道咸剪除改祠祀婁
侯像設崇屋廬復覩漢威儀清風肅貪汙遂令

此邦人車蓋相填於雨暘及疾疫走禱來于于
穹碑紀顛末大刻龍騰挈于以告來者并解婁
氓愚麗牲歌送迎萬世奠厥居

婁侯廟

殷奎

子布文武才鼎峙非本志伯言社稷臣早定西
龕計霸功照吳甸侯封啓婁地何以慰遺民於
焉崇祭祀

劉龍洲祠

凌萬頃

萬頃字叔度邑人景定二年第四甲出身直學四請

嘗隨薦鶚上天闈肯信荒山泣斷魂百歲光陰
隨酒盡一生氣槩祇詩存冢傾平地藤蘿合碑
倚空巖霧雨昏縱是帑灰那得到落花寒食不
開門

袁華

劉君廬陵秀曾次隘九州倜儻負奇氣辛陳同
俠遊西登峴首山北望多景樓長訶過慟哭志
在復國仇異材世間出高揖輕王侯奈何攀桂
手不能占鰲頭肆情詩酒間文焰射斗牛崑山
非故里遂爲潘宰留五十死無嗣埋骨東齋陬

世代倏變易夷墓爲平疇有司重封表立闕樹
松楸何人灑麥飯淒涼土一坏建祠立神主買
田供庶羞仁哉太守心祭祀亘千秋

殷奎

改之亦豪邁生世何落落抑鬱過宮書蹭蹬擒
胡畧悲歌能無慟沉醉信有托新祠薦寒泉九
原詎可作

拜劉龍洲墓歸飲清真觀以龍洲先生遺

墨分韻得何字

袁華

龍洲湖海士瘞玉崑丘阿山川邈如昨喬木拱
煙蘿偉哉二三子覽古發歎歌披荆弔遺跡空
石臨差峩嘅嗟歲月流奈此湮沒何立闕表墓
道大刻蟠蛟鼉維時春載陽好鳥鳴聲和麗牲
拜墓下冠蓋相駢羅山僧出遺墨保護百年多
縱橫廿八字恍若龍騰梭緬懷携甌酒風雨渡
江沱中原雖在望淚落如懸河安得起九泉執
手野婆娑歸憇玄館夕涼風水微波詩成想丰
采寤寐倘來過

劉龍洲墓在崑山慧聚寺後楊鐵崖偕應

芳及諸友弔祭而作

謝應芳

目光如電氣橫秋北望龍沙萬里愁匡主首陳
天下養和戎深爲國人羞獨園埋骨黃金地上
界修文白玉樓一代人豪今寂寞春風蘆葉自
汀洲

閏月二十四日陪館士秦文仲陸良貴奉

省臣命祭龍洲先生墓

呂誠

先生深耻和戎議慷慨中原氣欲振名冠魯連

天下士才高北海世無人民心切切猶思漢大
義昭昭不帝秦感激朝臣來遣祭東岡復喜樹
桐新

黃鶴磯頭風雨秋中原一望使人愁群臣誰決
和戎議九廟猶啣誤國羞慷慨魯連寧入海淒
涼王粲重登樓荒岡四尺先生墓再拜酹之雙
玉舟

弔劉龍洲墓

楊維禎

讀君舊日伏闕疏喚起開禧無限愁東江風雨

一斗酒大地山河百尺樓龍川狀元曾表恠冷
山使者忍含羞白鶴飛來作人語道人赤壁正
橫舟

復劉龍洲墓

鄭元祐

宋渡南如晉求嘉屈辱更甚慚栖鴉賢才盡斃
賊擄手君相甘同魯婦髻孝皇悲憤痛莫雪士
逃竄誅能幾家翁也諸侯老賓客有淚每落西
風笳南樓載酒桂花晚經綸志在言非誇且將
南山探虎穴豈但東海剗鯨牙長歌之悲過慟

哭况聞遠鴈來龍沙林蘇與白出處異便欲呼
起能無譁醉鄉生死忘今古酒熟蕤香魚可义
和我自有祈請使經天非無博望槎瞪視乾坤
謝軒冕朽骨深瘞山之涯婁江東流山蘊玉翁
也墓此誰疵瑕荒陵無人灑麥飯廢塚有樹開
梨花熒熒鬼燐出松塢想翁來遊路匪賒

劉龍洲墓

范天與

儒冠不入紫宸班落落高風竟莫攀曾有封章
投闕下尚餘詩句在人間聲名已共秋雲散精

爽應從夜月還千載穹碑表遺墓為持尊酒酌
空山

又

盧熊

征衣破帽老騎驢籍甚才名總不如發憤每陳
平虜策匡君曾上過宮書苔封斷碣秋煙外草
暗荒祠劫火餘欲奠椒漿歌楚些西風落日更
躊躇

范從文

古塚蒼崖畔殘碑蔓草中陳辭能勸主持節肯

雜詩七
和戎健筆詩無敵清尊酒不空斯人今已矣千
載仰高風

偶桓

遠尋遺墓入煙林幾度臨風感慨深草暗頽垣
春放犢霜寒宰木夜棲禽清江載雨孤舟夢異
國登樓萬里心泉下劉郎呼不起吟成哀些一
沾襟

至正壬辰秋舟過馬鞍山下登疊浪軒酌
龍洲先生之墓俯覽江流渺然遐思慨
風土之昔殊嗟人生之契闊有懷顧玉

山晉道賢昆玉

秦約

江淨波明蕩白沙搖搖盡舫似乘槎蕎麥花開
散積雪枸杞子結爛頽霞三吳風土曩昔異二
陸才華耆舊誇蹇余清嘯晚寥廓槽頭新酒不
須賒

又

龍洲先生湖海士矯矯高風絕代聞持節去爲
金國使封書曾感獻陵君籌邊英畧生前志垂
世文章死後勲壞塚年來誰灑飯愁看棘樹瑣

寒雲

劉龍洲墓

殷奎

岩岩馬鞍山下有龍洲墳
岙經索靈跡窈窕松岡原
昔人誌其墓字字忠義言
文章固餘事耆老尚能傳
百年井邑改故物或不存
鬼神為訶護英靈豈終泯
東齋得故地樹木表高阡
青山亦改觀蓬顆復欣欣
處士梅花祠明月采石魂
仁賢宜有後天道胡可論
中原望不極臨風酌孤尊
黃鶴忽飛來翹首西江雲

沈愚

愚字通理崑山人博覽工詩尤長於古風所著有箕籟集吳歛集

文章人物邁時流袖拂天風萬里遊
黃鶴樓前江月白買花沽酒醉中秋

中原望斷獨興哀懷抱憂時鬱未開
斗酒彘肩風雨夕為誰辛苦渡江來

復龍洲先生墓詞

弘治三年

楊子器

世路踣蹍功名蹭蹬天涯踪跡無聊貧寒徹骨
猶幸有綈袍巨柰老蒼情薄風塵裏困殺英豪
惆悵旅魂飛散更楚些難招悠悠千載下有

新詩七
知已者想像風騷謾摩挲斷碣細認前朝廟貌
重新興復香火事付與吾曹從今後大家照管
風雨莫飄颻

讀方侯思道修劉龍洲祠碑

黃雲

龍化滄洲葺廢祠舊碑讀罷讀新碑古今賢令
能同志天地詩名在永垂像寄丹青生色在時
憂社稷壯心危清明久闕溪毛薦細雨梨花重
可悲宋元及皇明鄉宦
致祭今闕三十年矣

復劉龍洲墓

沈周

龍洲先生非腐儒胸中義氣存壯圖重華請過
補缺典一疏抗天肝膽麤中原喪失國破碎終
日憤懣夜起呼往籌恢復諸公衮論矛聽盾事
大殊芒鞋布襪世途澁削緱短劔秋風孤登高
聊且賦感慨江山故在英雄無權門欲招腳板
硬顧逐詩朋兼酒徒尋常一飲空百壺賣文贖
券黃公壚酒豪便欲蹈東海故人留崑亦須臾
玉山固是埋玉地歲惟三百骨已枯三朝封樹
再起廢人重風節非人驅嗚呼人重風節非人

驅龍洲龍洲真丈夫

處州劉學諭啟乃劉龍洲遠孫便道拜龍

洲墓於崑山作詩送之

文徵明

玉崑之陽荒古原秋草數尺封寒雲詩魂醉魄
渺何許山人尚識龍洲墳龍洲先生天下士曾
以危言犯天子肯緣祿豢倚時人竟把殘骸托
知己彘肩斗酒意翩然不見風流三百年諸孫
沿牒下吳船到此忍不相流連當日聲華元不
改風雨荒祠儼猶在祭田修復勤故老仆碑重

立煩賢宰傍人懷古尚勤倦况也博士諸孫賢
源流不隔千里遠椒漿天假今朝緣精神恍惚
如相授父老追隨為搔首誰云聲迹不相聞要
識忠賢須有後宦途南北不終留片帆又逐浙
江流白雲天際渺無極夢魂常在玉峯頭

王御史墓

在縣新漕里王御史名葆字彥光崑山人葆有志識弱冠通諸

經縣自孫載後六十年葆始登進士紹興改元上疏陳十弊執政奇之白

麗水簿遷宜興令累遷司封郎官國子司業秦檜嘗以告老語葆葆曰果

欲告老不問親讐擇可任者使居相位誠生民之福檜然葆為考功御

史尤介然持正出知廣德軍後知池州孝宗召為大理卿復改浙東提點

刑獄疾惡彌厲權要皆不樂乃請祠
歸宜與終老焉官至左朝請大夫葆
學行俱至潛心古道教誘後生率多
成立號稱鄉先生所著有春秋集傳
及備論東宮
講議若干卷

袁華

有宋建皇極汴京鬱嵯峨仁化浹遐林林英
傑多崑山雖僻左士風粹而和明經擢高第踵
接肩相摩御史鄉先生學術正不頗五傳究終
始備論訂舛訛粵在宣和間哀然中巍科初主
麗水薄言事何委佗說書輔春坊執法居諫坡
從容荅時相真氣凌太阿范公在館下詰責加

切磋卒為廟廊器詞源浩江河高弟沙隨程入
室非操戈宋史書列傳耿耿名弗磨世變陵谷
遷百年無幾何域南新漕里荆榛埋銅駝景行
世仰止高風激頽波門墻既有限樵牧安敢過
再拜重興感臨風動悲歌荒苔封斷碣太息為
摩娑

王御史墓

殷奎

御史春秋學脫畧專門陋見諸行事間大用亦
未究氣直沮權相憂深曠儲副復墓匪為眩所

思在著舊

重復王侍御墓

郭翼

先賢御史王公墓感慨興亡自古今直氣平生
匡濟志忠臣萬古建儲心朝端獬豸清風在隴
上牛羊落日深滿地梨花一尊酒邦侯高義重
南金

李侍御墓

在縣東南
圓明村

袁華

散步城南門始得圓明里宰上木已拱泉下者

誰氏披榛踏宿草羨門半狎豸勛闕表阡石云
是侍御史力行敦古學名衡其姓李世家本江
都娶婦居婁涘射策明光殿看花長安市出宰
施善教矧肯猛政理至今松陵月清光照江水
拜命登霜臺白簡冠獬廌上言論姦佞手將逆
鱗批勢障狂瀾回屹立中流砥五賢一不肖賦
求光傳紀挂冠歸樂菴著述惜寸晷碩學邃易
經集傳發微旨豈唯淑後進千古垂範軌九原
不可作清淚何澌澌鄉里衆富兒厚葬從奢侈
黃腸題輅密券臺文繡被可憐土木乾荒煙橫

斷趾後世仰高躅庶激俗靡靡復墓限樵牧何異子朱子

李侍御墓

殷奎

李公讀論語探道悟淵微政推守令最名重諫諍司生平信跌蕩之死氣不衰表樹限樵牧善政故在茲

木蘭舟題梅弔樂菴墓

龔詡

樂菴墳上寒煙蔓草三百年來變故經多少一

坏荒土指點有無中埋沒了幾箇人知道
原何處起英豪弔古傷懷抱寫梅花欲寄相思
調但見一段平蕪數聲啼鳥高樹留殘照

題草庭墨梅弔樂菴墓

葉盛

盛字與中崑山人以進士為兵科給事中

劾將臣朱勇等扈從失律當誅之以謝天下然後興師問罪仇虜奉還
聖駕擢掌科事四五日問疏凡七八上皆軍機要務再遷山西右叅政以都御使李秉舉協贊獨石馬營等務邊民便之天順改元召拜右僉都御史巡撫兩廣再遷吏部侍郎卒年五十有五謚文莊盛力行好古清修苦節生平慕范文正為入時人許之

不識江都李梅花彷彿同停舟欲相覓誰是主
人翁

玉簫吹殘夜聲聲太古情嫩人何處覓霜月正
淒清

過宋王御史墓

沈愚

春秋家學在早歲即登科職業居郎署才名歷
諫坡荒祠碑臥草古塚樹懸蘿再拜徒興感臨
風發楚歌

拜葉文莊墓

吳瑞

採得青青南澗毛遠尋湓瀆弔人豪大材經濟
歸良史盛德光華仰俊髦一代文章嘉謚在百
年司■素心操茫茫今古何窮極白鶴不來華
表高

崑山雜詠卷第二十六

崑山雜詠卷第二十七

哀挽

王察院挽詩

王察院諱葆周益公之婦翁

范成大

成大早孤廢業公諭勉詰責留之席下程課甚嚴後遂為名臣

故有此作

喻蜀三年戍還吳萬里船雲歸雙節後雪白短
檠前百世春秋傳一丘陽羨田浮生如此了何

必更凌煙

公有春秋集傳及春秋備論行于世

日者悲離索公乎又杳冥門人辨韓集子舍得
韋經此去念築室空來聞過庭路遙人不見千

古泣松銘

慧聚寺僧神濟善醫能知人死生於數歲
或數月之前或有奇疾則以意用藥無
不瘥者既享高壽臨終甚了了因作二
詩哭之僧諱清照神濟乃其號云

馬先覺

端的西來了世緣有身寧肯自謀安
殷勤療病肱三折去住無心指一彈
貝葉翻餘清磬在梵香飄斷暮鐘殘
祇今雙樹婆娑影空鎖靈山片

月寒

房在靈山

料理歸期不作難等閒坐蛻白雲軒
去來自熟三生路談咲聊書四偈言
舍利雖藏多寶塔化身應返給孤園
陰功若證菩提果更與衆生洗病根

挽殷孝伯其弟往咸陽舁其柩歸葬婁上

易恒

已矣殷文懿由來德業優士評先月旦
書法老春秋醇酒心俱醉明珠價莫酬
修文從地下空憶舊風流

慨彼斯人已天胡不假年還鄉惟旅櫬
載道是

遺編雲斷千山外天低一鴈前難兄有難弟大葬得歸全

挽吳孟思

吳君名獻字孟思號雲濤散人其先開封人從宋南遷居于杭

自幼嗜古篆籀之學通六書與義嘗游寓崑山以疾卒于馬鞍山頂塔院年三十

有九歸葬於武康縣封禺山

學古得名誰與齊白頭南國尚悽悽漆書已負成蝌蚪石鼓空傳出寶鷄半夜旅魂山塔靜百年春夢海門低湖山恠爾歸何晚直待花殘杜宇啼

挽鐵崖先生

袁華

昔客錢塘日曾陪杖屐行授經終卒業問字屢稱觥南國衣冠遠東維砥柱傾平生三史辨大義日星明

挽盛季文

張遜

遜字以行吳郡人

季文盛公子與余世姻而契義最相得洪武甲寅遷家婁東而余亦宦遊燕冀遂成契闊俯仰星霜幾二十載逮壬申之歲余客婁上方欲傾倒舊懷豈意季

文以田役之累羈於逆旅竟抱疾而終
適值炎月其親以清冰數斛堅其遺軀
歸葬鄉里聞之不勝痛悼因賦此詩哭
之

廿年不見盛公子竟作修文地下郎
玉樹臨風今竟折冰舟歸櫂不勝寒
燈前散帙無兒讀案上新詩有日看
欲弔孤墳煙浪隔一襟清淚幾

時乾

季文世為常熟之南沙人元盛時為東南
鉅族值兵亂又無子因贅壻崑山周庸叔

常徙家歸胡岡隱居焉嘗與會稽楊維禎
淮海秦約未嘉鄭東吳門張遜鴈門文質
河南陸仁武林趙銓清河張恕仲輩為友
多倡和之什後以田役謫戍南中道邁疾

伯常代行季文歸至金山
泊舟強起賦詩投筆而逝

祭顧仲瑛詩

附

謝應芳

嗚呼玉山翁先世吳右族生逢全盛時
當路屢推轂辭榮樂蕭散竟蘊石中玉
早持萬金產轉手授家督不為五嶽遊
家園蒔花竹讀書數千卷旁覈聃與竺
非無酒如澗過客佳乃肅徒見駟馬車
未若一儒服緇黃粲然者待遇情亦篤
常言性嗜詩雋永過梁肉興來扶雲漢
毫端注飛瀑詞林采英華琰刻播芬馥
詩名滿朝野

雜言七十
傲心自足世故一變更十室九顛覆幽棲綽山
下人擬王官谷時余逃難來憔悴如病鵠踵門
通姓字一見已刮目夜飲嘉樹軒明朝杯又續
高堂桂花秋金釵剪銀燭雙歌棹觥船洗我愁
萬斛一留兩月餘坐客常五六寫圖紀觴詠墜
水亦有曲連牀可詩齋清話屢同宿擇鄰迴移
家歲晚安且燠奈何鼓輦聲又若雷震屋婁人
悉驚散我亦援失木泝漂南里東賣文如賣卜
感翁數相過餽問慰窮感翁亦客攜李遠避賊
虵毒山川鬱相望詩筒時往復陵谷復一變翁

歸理松菊松菊理未能蕪蕪俄困辱余舟榜笠
澤訪舊宿西塾夜深屏輿隸促膝話心腹春風
舊池館荒煙秋草綠朝廷更化初召役事種穆
挈家赴臨濠星言去程速送行媿鄒游口占謝
龜縮詩去秋復春客來書滿幅念我及兒輩舉
室蒙記錄自言多疾疢經年在牀褥鬱攸屢驚
嚇使我常齟齬尚須手顫定親札記篇牘安知
僅踰月遽爾聞不祿初疑傳者訛細問淚盈掬
嗟余老異鄉知己失鮑叔蕪詞叙疇曩悲吟甚
於哭神交死如生歆此杯中醪

八哀詩

周恭

故兗州太守盧公熊

公學行並優為當代名儒洪武八年膺秀

才舉除吳縣學教諭遷工部照磨再遷兗州知州卒於非罪錄其家篋中

惟餘麻桌
上深悔之

昔聞盧兗州家學來武寧鑽研百氏書萬卒攻
堅城朋交四方士濟濟俱時英每從楊公夫遊
洪濤奮鯤鯨詞章膾炙美書法銀鈎精著書每
廢食思賢或加旌簪筆歸鳳沼守邦屬時清經
綸公所志治長非罪成公家檢遺物麻桌填虛

籬

帝心默嗟悼嗚呼得廉名每行閭門西長

風起孤塋悵望不可及微吟著深情

故咸陽教諭殷公奎

公孝性天至尤邃於經學洪武中為咸陽

教諭以母老缺養辭爵卒官弟孝陽扶柩還鄉里有歸柩圖盧熊謂其處家為孝子飭身為名士典教為良師陳潛夫又謂其學術出處死生真瑩然無瑕者也

孝友出天性翩翩鸞鳳姿若人世不得方矩及

圓規飽諳春秋學問難垂絳帷天書青雲下

翱翔實明時文章豈非命萬里咸陽之割親恩

愛肉舍弟眷好枝是時喪亂後齋堂盡蒿藜不

見周宣鼓空懷西伯岐草草集弟子雍雍見風
儀白雲翳吳山日夕徒傷悲咄嗟來鵬鳥竟及
修文爲羈魂護權厝弟也良勝兒塵沙昇孤櫬
慘戚名公辭古來困仁者天道信有虧

故沁州太守呂公昭

公諱昭字克明爲人莊重耿介有古君子

風洪武辛未被薦初試徐州訓導九
載績用有成後以言民事得失合宜
轉浦城丞邑地多荒蕪公損貲市粟
給民俾墾藝而不責其償自以粟少
許種堂下生九穗父老植雙松于庭
擬甘棠未樂甲申詔求賢知者交
薦陞知沁州民持金贈行公悉謝絕
之至杭已無所費在沁時民有爲妖
竊物者告公禱於城隍神有頃物皆
歸清操愈勵祛姦舉廢廉聲聞於遠

近屢校文山西鄉
闡與修永樂大典

沁州老文學廉聲播人口明經爲博士剗刮無
不厚封章動天王浦城領章綬種麥試縣衙
麥穗忽生九公忠感神明魑魅歸物走維學世
不多維孝人何有蓮花未容汚君子席中玖種
松擬甘棠父老追思後山西校鄉闡公實運大
手文皇纂大典賢豪聚淵藪公時秉巨筆一
事不容苟乞骸旣征途民德悲父母賚金餽馬
前公謝一不受於茲誦公名汚吏合垂首

故按察使太原王公英

公諱英字俊伯性
和易與人交不設

崖谷洪武中由監生任監察御史累官至山西提刑按察使太祖嘗書其名於殿柱曰敦厚王英有劉卓不校馬牛之度時以長者稱之

王公具瞻者威儀若高山鄉書貢 廷陞周旋

太學間出入聖賢道仰視不可扳豸冠肅綱紀

繡斧摧姦頑 天子曰敦厚題名高九關是時

秦晉間瘡痍尚愁顏二藩公實使廉訪良獨難

旌節照千里民風一時還至今榛蕪墓大石文

章間傷哉東婁水悲聲更潺潺

故按察副使篠菴張公和公諱和字節之

經登進士第當時舉公第一甲第一名俄以名以目疾退居第二甲第一甲第一

病歸益肆力於六經子史授南京刑部主事獄疑者多所平反景泰中與秘閣大修纂陞浙江副使提督學政嚴教條以身率之尤有恩意河東薛文清公瑄甚器重之周文襄公忱稱爲東吳夫子未及大用而卒君子深爲痛惜所著有篠菴集

篠菴讀尚書鈎隱出百家結廬古婁曲弟子來

邇遐誦書日千言文思浩無涯俯對 大廷策

果然肩探花東吳老夫子名言信非譁獨鶴啼

青嶂回鸞舞丹霞法吏旣非途督學道有加濟

濟見多士賢才照京華每遇要路人含悲但噓

嗟功名非公志直道摧紛拏何爲絕弱息遺書

空五車魏魏鄉賢祠獨與邦人誇

故吏部侍郎文莊葉公盛

吏部崑山王高才邁今古起家掇巍科黃門拾
遺補鏘鏘玉筍班百疏上明主簡賢自宸
衷大政參籓輔晉鄙接胡塵都臺仲山虎桓桓
儒家將韓范走西虜居庸隘天關獨石環地戶
宣力示恩威居民保環堵屯田恃久安結廬利
行者文章爛天葩高吟視工部懷古追昔賢薦
修有祠宇皎然黃鵠姿軒昂卑九土惡衣適寒
溫踈簷陋風雨晚年居銓衡甄別盡才膺典刑

屬老成一二未足數如何天不來傷心百寮俯
君看六哀詩千秋孰予侮

故尚書刑部郎中孫公瓊公諱瓊字蘊章

十五年舉進士累陞郎中官刑部十年有
羅織人罪及中貴怙勢往往請託公
皆不聽由是積怨群小以辭連公謫
戍遼左憲宗登極赦復其官居亡
何即上疏乞歸隱鹿城三十年不入
公府成化初下詔求賢當道交薦
不果事父母以孝喪祭極其哀每旦
必衣冠拜先祠公為人風度凝遠望
之者驕吝自消年六十八而卒所著
有鹿城藁
歲于家

貞姿徂徠松凜雪未樵悴妙年攀月窟豈直溫

飽謂名揚尚書郎天憲非小試忍讀酷吏傳平
反孝婦類介心似石堅忠賢古無媿白玉自絕
瑕青蠅忽相累日月不掩過於公亦何事奮然
疏太傅倏爾錢若水茅廬卧疋羸斑綵復庭戲
吟哦青山雲頗恨膏肓豎蓬萊信無僊何以試
神餌嗚呼委哲人落落晨星墜維茲白楊墳未
埋瑚璉器傷哉曠斯文茫茫灑餘淚

故大理評事朱君萱

君諱萱字樹之為人
恭謹端實能詩歌筆

翰有法天順八年登進士第授大理
寺左評事敏而有守泊然無勢利心
表裏始終一致有古人之風以疾告
歸事親能色養年未四十而卒葉文

莊銘
其墓

朱君清人流邈與風塵隔家庭能色養辛勤把
書冊黃甲振蜚聲扶遙展修翮佳名在公卿恭
遜每跼躅廷評得天道千載于定國守正不可
犯百丈清泠澤人生棲草塵奈何不滿百玉樹
已凋傷高才竟何益清詩富陰何廣識傾賓客
淒涼身後事於餐不能噉

崑山雜詠卷第二十七

崑山雜詠卷第二十八

傷悼

朱節婦墓

袁華

節婦茅氏女嫁爲朱虎妻主饋事尊嫜婉婉年
方笄夫官水衡守舅長大司農饟餽轉渤海功
與鄴侯齊廝養紆青紫第宅切雲霓天道惡盈
滿讒言致勃谿舅旣庾圉夫亦爲孤累節婦
没入官詔賜提點師衣袂結兩兒晝夜呱呱啼
義不負所天哭死心不移抗志勵節操師亦興

嗟咨漕侯卯金刀拙菴比丘尼仗義出金帛以
贖節婦歸幸脫虎狼口寄食居招提仰望浮雲
馳目送孤鴻飛俯視齧齧子良人渺何之百感
集衷腸形與神俱疲爲婦當死節爲將當死綏
一病竟不起孤魂遂無依榱櫨自京邑歸葬婁
江涯孝哉猶子謙具辭陳有司移文上臺省進
奏對丹墀譬比曹令女夫死家誅夷勇烈雖少
異操行豈相違請錄付史館敦俗淑民彞制可
出鴻恩甄表發潛暉荏苒三十年荒墳草離離
落日下牛羊蕪沒少人知僕侯古循吏爲善日

孳孳大書刻堅石華表雙巍巍朽骨懷深恩豈
獨邦人思感慨成五詠紀實匪于私

李節婦

易恒

厥俗靡義是履孝婦令女事有矣陳子作傳遲
良史海枯石爛婦不死吁嗟乎節婦李

曹節婦唐仕則之妻

王達善

夫死西江外妾居東海邊秋燈成獨守夜月不
同圓一室生涯澹清風節操堅信知天有報家

業賴兒傳

朱節婦昭勇大將軍朱虎妻茅氏

殷奎

節婦當盛年罹此家禍酷逼迫惡少年夫死身
靡辱朝論既精崇國史復收錄守臣舉墜典持
此厲末俗

李節婦名惠水德之妻

崑山之陽有玉温兮惠也如玉不可焚兮其崑
山之陰有石儼兮惠也如石不可轉兮其上有
別鶴巢於山松鶴啖皎月松號悲風其上有孤

鸞棲於山栢鸞翔閒雲栢老積雪其松栢可摧
鸞鶴可伍惟此玉石勒名千古其

右崑山五章章四句

列婦歌有序

謝應芳

婦周氏吳郡太倉人至正丙申其父以
義兵元帥貪將殺之謀泄而舉家被害
帥之子悅婦少艾誘為妾不從痛罵而
死鄉人義而哀之為之構祠立碑會稽
楊公廉夫為文且屬江西陳季子索詩

以著其事

陳君手持烈婦碑勸我爲作烈婦歌人生自古孰無死烈婦之死名不磨本是東滄小家女粉黛不施眉自嫵父憐母惜忍遠離納壻於家半年許阿爺從軍氣頗麤欲殺不義奔京師手持芒刃機不密身落禍坑家乃屠繡衣郎君元帥子少年絕愛傾城美願言携手與同歸即免梟首尸諸市郎君滿屋惟黃金安知難買烈婦心耳邊言逐飄風過腹內怨含滄海深罵聲不絕郎君怒馬上揮刀斫頭去雙鸞羞覩青銅鏡全

家甘赴黃泉路娟娟肌體嬌如雪烈烈肝腸堅似鐵一團冤血注婁江至今流脉聲嗚咽男兒讀書我冠巾偷生或忍忘君親奴顏婢膝曳朱紫得不媿此裙釵人嗚呼得不媿此裙釵人

顧烈女詩 并序

龔詡

婁東顧氏女世以熟韋爲業父母早亡鞠於叔父初許嫁王氏未及醮而夫亡誓不再適叔父母慮其年少恐不能守復許嫁徐氏擇日畢禮叔父母逼女使

行不得已至其家則謂徐氏子曰我非爾家婦迺故王郎妻也徐氏子義之不敢犯至夕女遂自經死既而親戚視其屍則通纏束甚固其意若恐其既死之餘無以自明者以此觀之則其必死之心固已判然於未離家之時矣時人莫不義而哀之然或者猶以爲不當過徐氏之門爲病余以謂死生亦大矣常人之情孰不樂生而惡死哉而此迺能不辱其身而決意於自靖已足嘉尚君子

與人爲善不當屑屑如是訐小廉而遺大德也爲賦詩曰

平生不識王郎面却爲王郎守節亡素志遠符曹令女高風不讓衛共姜堅剛肅厲逾金石潔白清寒過雪霜皎皎碧空秋夜月纖雲豈足累清光

吳烈婦詩并序

崑山鄭宜君死節之一月縣治南吳澤贅於兵墟村之陸氏生女妙真嫁沈濬生子吉祥方年十歲濬自典邑之刑曹

罷歸遘疾卒時妙真年二十九歲歛夫
畢廼泣謂其子曰吾不復撫汝矣遂從
容洗沐更衣服自經死實瀆卒之五日
也其事與宜君若出一軌亦足以見其
人心之所同然者矣時其家狗浮屠俗
與夫棺同日火之鄉人莫不哀其義而
壯其節余聞而賦詩曰

夫君命斷未踰旬絕脰貞妻竟舍身此死豈如
他死類並亡不作未亡人君親一體三綱重忠
孝同心萬古新近日高風誰可擬宜君元是爾

南鄰

周節婦孝感

沈周

黃氏十九時歸周文璧氏二年文璧喪弱惟一
女恃有姑患痿痺其狀莫比擬有肢如無筋有
骨如無髓在牀如空中有身如蛻委日夜但冥
冥僅有息存爾聞聽與觸動稍及即厥死薦地
方儼步通問必附耳艱難食溲次不敢托諸婢
百藥無一效百累叢一已黃氏心煩惱惛惛不
知處東家優婆夷憐憫爲黃語汝姑溺苦海汝

知故何以憊業築丘山宿世所積累須皈大勢
力南海有大士解難說真言功德莫思議但要
深心持日日要如是一言一拜扣億又八千數
在佛雖有程敬受無庸紀功深果報應何患患
不起黃氏聞是言煩惱生歡喜潔室便置像恭
敬爲作禮沐浴體投地心觀口娓娓亦不知有
終亦不知有始亦不知有寒亦不知有暑閱日
千八百歷年數得五俄夢見一姥前黃行迤邐
心謂是現化稱名畧不顧極力欲追即步步懸
尺只逕入一區廬闔戶若相拒欸叩發號泣其

戶劃然啓菩薩示妙相金光爍瞻睹頭上珠纓
絡晃晃復蓋蓋蓮目垂慈光宣言啓玉齒黃氏
前諦聽合掌作長跪云汝依吾道悉知悉見已
慈悲爲我願豈無囑付汝修功加精進九日一
扶倚七九扶以行前及我處所覺來汗淋淋其
言尚在耳悟佛爲衆生方便指門戶信心愈堅
牢額破吻俱腐臨日試小掖筋骨覺可舉屢試
屢無難還能步移跬不寸詣佛前奠香致情旨
其炷從空躍踰梁而直下乃着于病人正中頂
顛裏其聲若驚霆其勢若擊杵身心發震竦百

苦悉皆去如風捲天雲不復留纖滓如春活枯
草如冰化爲水親黨盡來觀讚歎世無此姑謝
新婦力脫我出死簿新婦答何功菩薩威力故
此事聞其甥王綸能覩縷韋虛氣治痿若或有
僂技黃氏孝治痿專以誠爲主格物與布氣非
誠莫相與孝有致久旱孝有致冰鯉事本出非
常未可論常理我特書其孝勃僊用爲砥至今
崑山人大書播邑史

復薛烈婦墓

湓瀆西澣薛媛邵婦邵吏坐法逮人如虎逮悅

薛嫵佻語肆侮死生依違夫命縣汝薛醜其語
身雉經誓不辱夫以死明黃犀辟塵塵不生白
玉絕玷玷不成嗚呼荒塚久欲平後人立石題
烈名

弔城南薛烈婦塚

沈愚

馬鞍山南湓瀆西淒涼孤塚臨荒蹊行人借問
白頭姥云是東鄰小吏妻良人犯法因貪墨京
府差官受驅迫瞥然見此花娉婷輒起狂心勢
相逼貞白之身豈可污分甘苦樂隨其夫寧爲

天邊失群鴈肯學水面雙飛鳧發憤捐軀自經
死烈烈英風有如此嘆息人間兒女曹剛腸絕
勝奇男子百年過眼成匆匆感今懷古情無窮
蒼苔怨骨斜陽裏粉閣遺基蔓草中 聖朝褒
卹誰曾舉青史芳名未收取君不見從來埋沒
知幾人何獨區區薛家女

崑山雜詠卷第二十八

周可順寫

唐 周可順寫

附錄

崑山雜詠序

崑山雖處海隅素號壯縣古蹟今事接於聞見
者不一若人物習俗文章論議係治亂關風教
者盍有志焉此書旣闕遂使一邑之事湮沒無
傳予每以爲恨友人龔君立道哀次古今詩分
爲三袞目之曰崑山雜詠又得百篇號續編嘗
取而讀之非徒記其嗟味而已如陳令公云縣
民遙喜行春至則知郡守嘗省耕於外邑張文
定云我時行近郊則知邑宰每巡野而觀稼荆

公云萬家藏水村則知陂澤未圍所在有瀦水之地冲邈云江塞妙決除則知開江有營河塘無淤漲之患因羣公薦口之句則知龔期頤之著鄉行因聞健收身之句則知李樂菴之挺忠節稱王逸野傳春秋而知經學之可以名家招范石湖入詩社而知句法之可以垂世其他如記惠嚮之運鬼力僧繇之畫神龍諾矩羅之興雲致雨此特其次者爾至於石峯之奇巧軒亭之敞快緇流之能禪能律又特其小者爾立道刻意問學其於暇日乃能兼收竝蓄細大不遺

可以代圖經之作矣繼自今或有所得當陸續書之亦可使後人之後人祖其意而有述也予嘉立道之志故爲書之篇首云嘉定改元十二月初吉朝散郎監察御史范之柔序

跋

棲閒主人龔君昱字立道崑山佳士也講學之暇刻意於時裒所藏今昔名公之什總成此編以示交承金華潘文叔文叔迫去不克廣其傳挺之來試邑刊寘縣齋不惟嘉立道之好尚杼以全文叔之志云開禧丁卯中秋儀真徐挺之

識

崑山雜詠序

昔龔立道氏嘗集唐宋諸名家詩若干什曰崑山雜詠其友范清憲公序之詳矣王秋堂隱君復集元人及我明人之作而附益焉間出示予讀之累日有可喜者一有可慨者二夫有唐迄元代崇異教蕞爾崑丘僧房百十其他可知也國家崇正闢邪吾崑緇黃者流零落殆盡而文獻之盛獨邁徃古誠足多已然宋元之時邑人庶富斥其餘財助成茲邑之勝今則賦重役繁

謀生是急弗遑義舉名區傑構蕩然爲荆榛瓦礫之場過者興歎且龍洲蓮峯諸老祠墓徃徃爲強禦所蝕樵牧所據不亦重可念哉讀是詩者必能感發向慕訪前朝之遺址復茲邑之舊觀則秋堂博采兼收之勞不爲無益也姑序其端以俟嘉靖十年三月後學方鵬撰

書崑山雜咏後

龍立道所纂緝是書僅見宋刻
殘本罕有行世者嘉靖初王君理
之復集近代詩百篇以附末卷太
常方公為之序引其端先大父西
園公已加鐫板值覆亂版後而王
君所集兼有未該乃重謀諸俞
仲蔚氏更為搜采晉唐宋元以

來諸名家集復得詩數百篇
以類編次勒成二十八卷較倍前
書其撰人姓氏邑里事行各為分
注其下庶既補其詩又知其人之
固立道之所未備者且書雖專於
一邑而四方名賢之往復題贈其流
風餘韻真足以徵一時政治之興衰
此又圖經之所未備者也書仲蔚

多病已更十餘年余頃以乞假家居
始克成書由是知華狐白之裘者
非一狐之腋其為功良不易矣曰亟
鐫板以繼先志存一邑之典籍而謹
識其始末於後亦以俟夫採詩者
隆慶庚午秋九月後學益紹曾謹識

